

ւինատան միջոցով չոր ու ցամաք գրադրութեամբ: Ժողովուրդն միշտ կարիք ունի հոգեւոր պէտքերի և այլ կարեւոր խնդիրների մասին անձամբ խօսել իւր առաջնորդի հետ—բայց հեռաւորութեան պատճառով հնարաւորութիւն չունի: Շատ անգամ մի առաջնորդին փոխաբերում է միւսը՝ թեմի հեռաւոր ժողովուրդը չէ տեսնում ոչ մէկին և ոչ էլ միւսին: Մինչդեռ փոքր թեմում առաջնորդը հնարաւորութիւն կունենայ աւելի մօտիկ կերպով ծանօթանալ թեմի ժողովրդի կարիքներին, անձամբ կարգադրել զպրօցական և այլ եկեղեցական անյետաձգելի խնդիրներ, այլ և կատարել իւր բուն հովուական օրարտքը—Աւետարանի լուսոյ աղբիւրից կենդանի խօսքով յագեցնել խօսքի ծաղաւ ժողովրդեան: Այդ նոյն կարիքն նկատուում է նաև մեղանում, յուսով ենք մօտիկ ապագայում հնարաւոր կը լինի մեր Ռուսահայ թեմերի թիւը ևս շատացնել, գոնէ կրկնապատկելով:

ԱՆԳԼԻԿԱՆ ԵՎ ԵՂԵՅԻ

Տիեզերական ժողով.

Ամերիկայում ահանաւոր հոգեւորականների ընկերակցութիւնը մտածում է կազմել մի մինչև այժմ չեղած հակադասական Տիեզերական ժողով, որտեղ պէտք է լինի խորհրդակցութիւն հաւատի և եկեղեցու կազմութեան վերաբերեալ հարցերի շուրջը, մասնակցութեամբ աշխարհիս բոլոր կողմերի քրիստոնեայ եկեղեցիների ներկայացուցիչների: Եկեղեցիների միութեան այդ միտքը ծագել է ամերիկական եպիսկոպոսական եկեղեցուց, որտեղ խօսուել և ընդունուել է 1910 թուականին հրաւիրած ժողովում: Այդ կարևոր գաղափարի մշակութեան առթիւ կազմուել է առանձին յանձնաժողով, որը և բանակցութեան մէջ է մտել Ամերիկայում գոյութիւն ունեցող դանազան քրիստոնեայ ընկերակցութիւնների և աղանդների հետ: Տիեզերական ժողով կազմելու նախագծին արդէն միացել են 35 ամերիկական կրօնական ընկերակցութիւններ: Դորանից յետոյ բանակցութեան մէջ են մտել Անգլիայի, Իրլանդիայի և Շոտլանդիայի անգլիական եկեղեցու հետ:

Այդ նպատակով 1912 թ. ուղարկուել է Ամերիկայի եպիսկոպոսներից Անգլիա բանակցելու նոցա հետ, որտեղ նրանց պատասխան տալու համար Կենտրոնի և Իւսթլի արքեպիսկոպոսների կողմից նշանակուել է յատուկ յանձնաժողով քննելու այդ հարցը: Բացի դորանից երեք նշանաւոր Ամերիկացի եպիսկոպոսներ ուղարկուել են բանակցելու անգլիական այլ ազատ եկեղեցիների հետ, որ ապահովեն սրանց մասնակցութիւնը ապագայ ժողովին:

Տիեզերական ժողովը չպէտք է ունենայ ոչ օրէնսդրական իշխանութիւն և ոչ էլ պէտք է որ և է վճիռ անի, այլ պէտք է փնտռէ ընդհանուր հիմունքներ միացման համար, որոնք յետոյ պէտք է առաջարկուեն կրօնական համայնքներին ձեռք առնել համապատասխան գործողութիւններու եպիսկոպոսների առաքելութիւնն անցել է յոջող և մինչև 20 անդլիական կրօնական ընկերակցութիւններ պատրաստակամութիւն են յայտնել մասնակցելու Տիեզերական ժողովին:

Ապա Ամերիկայի յանձնաժողովը որոշել է առաջիկայ ամառ կրեք եպիսկոպոսից բաղկացած մի պատգամաւորութիւն ուղարկել Եւրոպայի և Արևելքի բոլոր քրիստոնեայ դաւանութիւններին՝ առաջարկելու նրանց մասնակցել Տիեզերական ժողովին: Իսկ այժմուսանից Ամերիկայի խորհրդակցական յանձնաժողովը որոշել է հրատարակել ի լուր ամբողջ քրիստոնեայ աշխարհի հետեւեալ կոչը. (21 մարտի 1914 թ.)

«Բոլոր երկրներում գտնուած մեր քրիստոնեայ եղբայրներին ողջոյն: Մենք, խորհրդակցական յանձնաժողովս, Միացեալ Նահանգների եկեղեցիների կողմից նշանակուած ներկայացուցիչներս, միացել ենք բողոքական եպիսկոպոսական եկեղեցու յանձնաժողովի հետ հաւատքի և կազմակերպութեան հարցերի վերաբերեալ տիեզերական համագումարի պատրաստութեան համար, ինչպէս միութեան առաջին քայլ: Մենք հաւատում ենք, որ ամբողջ աշխարհում կայ միայն մէկ Աստուածային ժողովուրդ: Մենք հաւատում ենք, որ ներկայ ժամանակը կրիտիքական է և յուսադրում ենք, որ աշխարհը կը դառնայ քրիստոնէական: Մենք հաւատում ենք, որ քրիստոնէութեան ներկայ աշխարհային լուծելու արժանի խնդիրները պահանջում են քրիստոնեաների համաշխարհային համագումար: Այդ ձեռնարկութիւնը արդէն ստացել է քաջալերութիւն և աջակցութիւն քրիստոնէական եկեղեցիների նշանաւոր մասի, հնարաւոր կարճ ժամանակում առաջարկութիւններ կը լինեն և միւսներին, այնպէս որ մենք յոյս ունինք շուտով կասկածից վեր կը լինի համագումարի համաշխարհային ներկայացուցչական ընտրութիւն ստանալը: Նախապատրաստելով համագումարի հրաւերը, մենք չունինք ոչ լիազօրութիւն, ոչ ցանկութիւն քննութեան առնելու այն կարևոր հարցերը, որոնք պէտք է քննուեն համագումարում: Մեր անմիջական գործն է ձեռք առնել հնարաւոր միջոցներ, որպէս զի համագումարում խորհրդածութեան տրուելիք խնդիրների կանոնաւոր ընթացքը ապահովենք: Մենք սակայն չենք կարող մնալ անտարբեր դէպի այն պայմանները, որ կարող են աջակցել կամ խանգարել այն մտադրութիւններն ու յոյսերը, որոնք պէտք է կատարուեն առաջիկայ տիեզերական համագումարի կողմ»

մից: Ներկայ ժամանակում այդ կարևոր խնդիրներից մի քանիսը անսպասելի կերպով դարձել են նոր վէճի առարկայ: Միտոնեթան կան ասպարէզից վաղուց լուծելու սպասող միութեան խնդիրները բերուած են Աստուածային արհեստագիտութեամբ և զրուած են ուղիղ ճանապարհի վրայ բոլոր քրիստոնէական դաւանութեանց կողմից: Որի կողքից անցնել այլ ևս անկարելի է: Բոլոր քրիստոնեաների սրտին մօտիկ մեծ շահերը նորա վճռման համար են հրաւէր կարգում: Բայց վճիւր չէ կարող լինել զիջողութեամբ: Նորան ընդառաջ պէտք է դուրս գալ համագումար: Համագումարից առաջ պէտք է լինի հաշտութիւն: Քրիստոսի առ աշխարհն ունեցած սէրը ստիպում է մեզ խնդրել Ձեզ միանալ մեզ հետ և նորա բոլոր աշակերտների հետ և բոլոր քրիստոնեայ եկեղեցիների մէջ յայտարարել Աստուածային հաշտութիւն: Այն հարցերը, որոնք մեզ յուզում են՝ թող ձեռնարկուին պարզ և ազնիւ կերպով: Թող կաթոլիկ և բողոքական գիտունները իրենց պատմական հետախուզութիւններով ազատ լուսաւորեն, որչափ կարող են, այդ խնդիրները: Մեզ համար էականապէս անհրաժեշտ է աշխատել հասկանալ, որ հէնց ուրիշների կրօնական փորձառութեան մէջ կայ իրական դնահատութիւն, որպիսինը նոքա չեն կամենում կորցնել, և որը պէտք է պահպանուի հաւատքի միութեան անտեսութեան մէջ: Մենք նոյնպէս խնդրում ենք, որպէս զի բոլոր քրիստոնէական դաւանութիւնները խոյս տան ըստ հնարաւորութեան որ և է վիճելի դէպի ուրիշ եկեղեցիներն ունեցած առարկութիւնը յայտարարելուց, և ընդհակառակը որ ամենը խօսուի և անուի այնպէս, որպէս թէ արդէն պատրաստուած է բոլոր ազգերի և լեզուների ճշմարիտ աշակերտների ժողովը, որ աղօթեն Աստուածային Սուրբ Հոգու նոր բաշխման համար: Մենք ցանկանում ենք՝ որ իւրաքանչիւր անդամ երբ առաջ է գալիս մեր մէջ անտարբերութիւն, կասկածանք և թիւրիմացութիւն՝ պահպանենք հաւատք առ այն, որ Տիրոջ աղօթքը նորա աշակերտների միութեան համար ինկատի է ունեցել, որ այդ միութիւնը կը կատարուի, և որ եկեղեցու կազմութեան մէջ անհնարին բան չպէտք է լինի: Ինչպէս այդ լինում է պետութեան մէջ, երբ զանազան խտնուածքի և համոզմունքների տէր մարդիկ ապրում են միասին փոխադարձ համաձայնութեամբ ընդունած միութեան սկզբունքների համաձայն: Ուստի մենք խնդրում ենք եկեղեցիներում ղեկավարող կամ կառավարող դիրք ունեցող բոլոր անձանց նեղութիւն կրեն անդադար աշխատել մշակելու մի զործնական պատուանդան միութեան ազատութեան, կարգ ու կանոնի, ճշմարտութեան, ոյժի և խաղաղութեան մէջ: Այդ նպատակով և խնդրում ենք Ձեր աղօթքները:

Նախագահ՝ Վ. Իլիամ Մաննինգ

Քարտուղար՝ Բոբերս Դարգիմեր.